

Soteria

quæ

In recuperatam valetudinem

V I R I

GENEROSE ac MAGNIFICI

DN. DANIELIS  
WACHSCHLAGERI,

Burggravii Regii, Præconsulis,  
& Protoscholarchæ omnibus nume-  
ris absolutissimi

Ao. M. DC. LXXXVIII.

Calendis Augusti

lætabundi

decantare voluerunt

Rector, & Professores Gymna-  
sii THORUNIENSIS.

THORUNII imprimebat Christianus Bekk, Gymn. Typogr.



**N**on procul à letho fueras, PATER, heu tua nobis  
 Penè simul tecum solatia rapta, SCHOLARCHA!  
 Ast Opifex rerum summus, qvi limina cœli  
 Incolit, & duros morbos mortemq; furentem  
 Imperio premit, ac vinclis & carcere frenat,  
 Istud discrimen lethi, noctemq; supremam  
 Esse procul jussit, præbens medicamen ab alto  
 Æthere. Jam fractæ redeunt in pristina vires,  
 Pallor abit, fessi revalescunt corporis artus.  
 Munere pro tali sit laus & gratia soli  
 Cœlesti MEDICO, qvi Te, VIR MAGNE, deinceps  
 Incolumem servet NOBIS, URBIq; Scholæq;!

\*\*\*

\*\*\*

\*\*\*

Ita,

**MAGNIFICE WACHSCHLAGERE,**

*Patrone ac Compater Venerande,*

Tibi,

afflictis Patriæ rebus,

In Malorum remedium

Eidem

(quod de Trajano referunt Historici)

divinitus reddito,

&

Opportunè servato

lætus gratulor;

atqve

ut TIBI, & per TE

utriqve REIPUBLICÆ,

CIVILIS LITERARIÆ,

Prospera omnia,

id est,

dignâ Seculo tuo

(quæ Plinii Vox votumq; fuit)

contingant,

pius precor

**PAULUS HOFMANNUS D.**

**E**n lux lata micat, nives signanda lapillo,  
 Lux fulget, quâ vix gratior ulla datur.  
 Mæcenâs noster Venerabilis atq; Scholarcha  
 Faucibus è mortis jam rediivivus adest:  
 Quem tot morborum diræ superare cohortes,  
 Et dare sarcophago quem voluere VIRUM:

Hic



Hic spirat, vivit, melius valet, atq; recentes  
 Acquirat vires, auxiliante DEO.  
 Diffugiunt hostes, febres sæviq; dolores  
 Coguntur turpi jam dare terga fugæ.  
 Hos fugat Omnipotens Medicus, Servator JESUS,  
 Restituens membris robora firma macris.  
 Pandite nunc Heliconæ Deæ, cantusq; movete,  
 Dulcisonam letus pulset Apollo lyram.  
 Fundite læta DEO festivo carmina plausu  
 Cognati, Cives, Curia, Templâ, Scholæ.  
 Festa renascentis celebrantibus alma Scholarchæ,  
 Lætitiæ nullus debet abesse modus.  
 Vive, vige, flore longos feliciter annos,  
 Urbis Honos patriæ, Gymnasiq; Decus.  
 Major sis, quàm cui possint mala fata nocere,  
 Quàm cui Tisiphone dira nocere q̄veat.  
 De nostris annis TIBI Christus adaugeat annos,  
 Inclute WACHSCHLAGER, ter venerande Senex.

Gratulabundus scrib.

Wenceslaus Johannides,

Gymn. Thor. P. P.

**M**agne Vir, ac urbis pars summa & gloria nostræ,  
 auxiliumq; bonis, subsidiumq; probis.  
 Lætor, quod tristes elegos & carmina mœsta  
 non scribam: non est luctibus ulla mora.  
 In plausus mea mens abit, & de pectore læto  
 lætitiâ promit, lætitiâq; canit.  
 Ante quidem spatium breve temporis usq; sedebam  
 tristis, & in mœsto corpore mœror erat.  
 Protinus ora color lacrimis suffusa reliquit,  
 et teter tenuit languida membra dolor.  
 Cordatus quivis plorabat fata superba,  
 ac ægrum doluit Palladis aula Ducem.  
 Sidere sub nostro vel mille pericula stabant,  
 emeritum flevit Patria tota virum.  
 Inter & ærurnas & sævos viximus enses,  
 tristitiâ quivis angulus usq; tulit.  
 Dum Te, Vir, nostri decus & tutela Lycei,  
 vexaret morbus corripereq; gravis.  
 Dum Te vicinum morti spectavimus omnes,  
 diximus & Parcæ talia verba malis.  
 Quid facitis Parcæ? diris cur æstibus usum  
 torquetis? corpus cur mala febris habet?  
 Heu finite! heu finite & morsus compescite vestros,  
 nec nimius rodat languida membra calor.

Tu

Hic



Tu DEUS affer opem, morbum dispelle furentem,  
floreat ut magni vita salusq; Viri.

Confestim factum est, mortis cessere tenebrae,  
cessit in Arctoum febris iniqua locum.

Hinc mentem sumo lætam, lætusq; tropæa  
erigo, quoniam totus carmina læta cano.

Aula trahit lætos animos, Regisq; ministri  
gaudent, & toto pectore læta gerunt.

Ordo sacer nostri cœtus in gaudia tendit,  
ac offert humili verba ligata manu.

Quod Te, Magne Vir, ac urbis pars optima nostræ  
ereptum mortis faucibus esse sciant.

Ipsæ DEI laudes decantas gutture pleno,  
ac hodie resonas cantica grata DEO.

Gratulor ex animo de firmis viribus optans,  
ut redeat membris pristina vita tuis.

Pectora non vexent mordaces anxia curæ,  
temporibus somnus convenienter eat.

Vive DEO, Regi, Patriæ, Civiq; Mihiq;  
fructifera plures utilitate bea.

Sicq; tuum nomen sublime feremus ad astra,  
et memores erimus sortis ubiq; tuæ.

Nunc placido requiem quærentibus annue vultu,  
et sine tutelæ nos opus esse tuæ.

Hoc ubi contingit, satis est; vos ardua regum  
limina solliciti plena valete metus.

*ἐλακκεδίωνος posuit*

M. Martinus Böhm / P. P.

Ostendunt vultus festivos Martis alumni,  
Dum Macedum Regis vivida membra vident;

Nam quamvis mentemq; calor corpusq; relinquat,  
Dux tamen Æmæthiæ debilitate caret.

Exclamant Socii, mœrorem tradite ventis,  
Fortis Alexander, Gloria nostra, viget.

Nonne ego concipiam, Mæcenas, debita mente  
Gaudia, dum radix nostraq; fibra viret.

Cœperat insolitus decerpere corpore vires,  
Atq; oculos morbus sollicitare tuos;

Attamen hos prorsus convellere nesciit, illi  
Dextera dum summi restitit alma DEI.

Nonne igitur læto celebrent nova gaudia plausu  
Certatim Cives, Curia, Templâ, Scholæ?

O venerande Senex! perge exsplendescere votis

Nunc Patriæ, & Pyllos vince, PATRONE, dies.

Musarum facilis quoq; dextris annue cœptis,

Præsidium nobis perpetuumq; Decus.

*Devotissime applaudens scribebat*

M. Godofredus Weissius, Gymn.

Thor. Prof. Extraord.

